

四十二

正德十年至十二年



此冊利本全錄

國權

乙亥正德十年

正廟申太僕寺卿楊廷儀為太常寺卿

癸亥 上祀太廟薄暮方出

乙丑汾西平陽襄陵縣地震

以郊祀當誓戒群臣昏刻始免朝

丙寅楚雄府地震

丁卯薄暮 上出宿齋宮

鹽官談遷孺木著

戊辰 工南郊夜二十刻始還宮

庚午月犯井宿

甲戌夜月犯軒轅左角星

乙亥大學士楊廷和等言祖訓曰朕以乾清宮為正寢晚

朝早而入清晨星存而出除有疾外平時不敢怠惰蓋言視

朝之當謹也又曰凡帝主居宮常懷警備日夜時刻不敢怠

慢雖親信如骨肉朝夕相見猶當警備蓋言宮衛之當謹也

皇工近年以來積習既久觀聽惶惑邊兵非宿衛之

人禁藥非操練之所疑似之間未免驚駭不報

寧夏地震

丙子 入潮河川

戊寅故嘉善主簿李錫以逐盜開化死贈知縣廕子監生

己卯巡撫河南右副都御史陳璘改大理寺卿

庚辰吏部尚書楊一清等言陛下比歲視朝太稀又太晚

或日西或薄暮今漸至昏夜小大諸司辰入而罷未免廢職况

侍衛之人披執鎧仗自朝至暮饑餒用憊遂令闕門之外御

街之旁群衆喧闐殆同市井且邊兵本為防今輪番京師

陛下又親教閱之以天子之尊行將帥之事禁密為攻

戰之場邊鄙將士恃寵而驕猖狂悖慢或有之况畧邇宮
壺意外之虞不可不防不報都給事中李陽春等御史于鏊
等各言之不報

套一、二萬餘入花馬池大掠固原

甲申巡撫貴州右副都御史蕭紳改河南

丁亥陝西左布政使曹祥為右副都御史巡撫貴州兼理軍

務

民間訛言選宮女御史張翰請禁之不報

前巡撫山東右副都御史徐源卒長洲人成化乙未進士

二月寅地震

祀唐相張九齡於韶州以九齡子伊闕令極又唐韶州刺史

鄧文進宋邕州推官譚泌國朝永豐知縣鄧顯九祔祠瓊州

祀大學士丘濬於宋儒蘇軾奇旬書院

辛卯灾傷免鳳陽滁徐田租

壬辰都指揮使張林張謙王璫俱都督僉事
林謙張雄姪璫張永蒼頭也

大同衛指揮同知李勇調武昌衛勇父懷以游兵千總敗於

虞臺崩降詐稱陣沒勇得嗣而懷散誘入寇兵部購之

因調勇若懷三年不歸勇見罪

提督山西三關都御史陳天祥修築山陰

甲午宣府總兵署都督僉事劉淮失事降都指揮僉事

雲南總兵黔國公沐克辭太子太傅

番僧兒卜鎖南堅魯巴爾藏卜來貢龍大乘法王

丁酉保安寺大德法王綽吉我些兒本烏思藏使者以秘術

得幸出入宮禁至是請其徒領占綽節兒綽供劄失遷居烏

思藏如大乘法王列入貢且請國師設廣茶禮部尚書劉春

言烏思藏在西遠性頑獷雖設闡教王護王教闡化王贊善王

撫治而貢有節令女盜邊耳今粹往萬一詐誘羗胡妄有求

請不從失彼意從則生事端害滋甚願罷之不聽仍予誥罷

設茶勅時上好異習胡語自名忽必列習回、食自名沙

吉教爛習西僧教自名領占班丹近幸張銳張雄錢寧等日

治剝糜帑無筭

癸卯固原隆德俱地震有聲

前南京右都御史劉洪卒洪安陸人成化戊戌進士令陽穀

拜御史得憲體歷撫貴州平米魯餘黨之亂改四川松潘夷

弗靖申嚴法令邊人賴之總督兩廣平潮惠撞賊贈刑部尚

書

甲辰南京工部右侍郎俞深劾免

總督甘肅左都御史彭澤以繒綺二千匹白金酒器一說土魯番和好滿速兒喜許歸哈密城及金印澤不俟報輒言事定乞休

庚戌南京糧儲右副都御史崔文奎為南京工部右侍郎辛亥大理府地震

甲寅應天府尹白圻為右副都御史覓南京糧儲總兵卻永奏帶千戶李珍等二十六人命止五人乙卯入延綏寧夏

丁巳楚雄地震聲如雷

三月未兵饑免西充遂溪鹽亭射洪等處田租

庚申晉府臨泉王奇渾薨謚榮穆

錦衣衛都指揮同知朱彬冒功為都督僉事後府食祿

辛酉廣寧衛天鳴

癸亥大理寺左少卿王純為右僉都御史巡撫宣府

甲子禁訛言採女

丙寅大學士楊廷和以父喪乞歸不允

戊辰南京禮部右侍郎楊旦為禮部右侍郎署太常寺事

已巳楊廷和再乞守制不允

前戶部右侍郎韓鼎卒鼎慶陽人成化辛丑進士授給事中直言頗有聲歷南京尚寶卿後功名頓損逆瑾以絀曲引入戶部廷謝仆不能起子守愚附瑾得庶吉士乞祭塋許之月犯軒轅左角星

辛未初冥鑄敗時以孫萬材託僧大千匿之以家人子詭萬材係萬材時年十七雜髮寓河南永寧之千山庵名正奉亡何大千死群僧侮萬材走故縣鎮恚甚自詣官言狀傳致京師召冥鑄舊宮人在浣衣局者不能辨萬材抗言我義不辱

歸命朝廷遂幽於鳳陽

壬申遣祭各陵方祭裕陵天忽雨戶部右侍郎侯觀謂如祭大社雨蹠拜門下衆從之被劾奪觀月俸

許楊廷和奔喪塋訖即入朝遣行人護之

癸酉增紫荊三閩兵備副使真定保定通判各一

夜月犯亢宿

甲戌順天府尹楊廉為南京禮部右侍郎

戊寅雲南右布政使李充嗣為順天府尹

已卯鎮守大名

總兵官卻永移宣府

庚辰夏地地震有聲

癸未禮部尚書劉春以廣東左布政使羅榮按察使陳雍及
安慶知府馬文來朝各言守臣進貢之害乞一切停免報聞
戶部主事戴冠謫廣東烏石驛丞冠言京師勢要之家子弟
家人多冒名報功錦衣如林次係籍勇士影射食糧又有投
充各監局匠役此皆國之蠹也國家歲漕四百萬石此輩實
當三分之一陛下何忍以膏血養此無益之蠹哉又逆瑾
籍產以百萬計貯豹房以為私財王者無私乞盡付所司助
軍需

甲申前南京工部尚書畢亨卒亨山東新城人成化己未進
士授吏部主事通儻有才氣高不輕下人心附逆瑾晚節益
損

丙戌提督四川軍務總兵時源為征西前將軍總兵官鎮守
大同

太師英國公張懋卒懋以輔庶子幼襲爵弘治時承平久
孝宗頗厚懋每扈從車駕止令佩刀不衣重甲而懋日淫佚
侍妾百餘人服飾奢僭至侵削軍士充其欲屢見劾首班五
十餘年不經行陣優老慵下幸也追封寧陽王謚恭靖

四月辰王瑾嗣靖遠伯王憲子

甲申考察官京降斥有差

丁酉中旨都知監右少監丞喬能守備黃花嶺

庚子琉球入貢

辛丑前禮部尚書傅珪卒珪字邦瑞清苑人成化丁未進士

選館授編修歷左中允諭德至今官強教有執人不能平以

私禮部時番僧乞田百頃為大慶法王下院珪奏孰為大慶

法王者敢並至尊書之褻天子壞祖宗法大不敬當誅遂

止優人臧賢請改牙牌珪語甚長曰爾可寵長保否乃奏制

為類奏災異陳時弊十事甚剴切忤旨罷年五十七嘉靖初

贈太子少保謚文毅

癸卯鎮守四川署都督僉事徐謙為都督同知

有星隕於廣寧邊堡聲如雷

甲辰鉅野縣大霧六日殺穀

乙巳南京國子祭酒吳一鵬為南京太常寺卿

甘肅總兵署都督僉事金輔為署都督同知

丙午甌寧懷安兩縣皆火

安南來朝陪臣阮貴雅奏龍州梁村灘舟壞濡貢絹五十匹

行人阮文煥溺死 上聞之歸其喪

丁未詹故右都御史馬中錫子師言國子生

慶陽伯夏儒卒儒工元人 皇后父嘉靖中贈 謚榮

靖

楊一清曰 國朝禮遇戚氏雖極貴寵而例不治事有踰

節病民未始不裁抑之故凡姻聯帝室皆得善保祿位不

失其令名若慶陽以椒房之親榮被榮封列於五等然能

循禮畏法子姓皆遵約束不敢恃恩澤為驕縱門庭肅然

亦不失為賢矣

南直通州龍起暴風雨砂石蔽空摧官庫及民舍四百餘楹

戊申禁三閔開墾山場

庚戌國子司業魯鐸為南京國子祭酒

壬子翰林院庶吉士劉濟授吏科給事中

南通州大風雨又星流聲如雷

賑通州武清灤縣饑

癸丑總理河道右副都御史劉愷為兵部右侍郎署通政司

事

甲寅翰林編脩黃瀾為國子司業

魚臺縣天鼓鳴

丙辰前江西兵備副使胡世寧下鎮撫司寧王宸濠訐世寧
前跡為離間權倖右之都察院望旨覆謂世寧在率遣緹校
往逮世寧方遷官還里浙江按察使李承勛匿之使間道就
臺獄御史徐文華疏救不聽

丁巳設守禦千戶所於聚落高山堡

大理寺卿慈忠卒 薊人成化甲辰進士

北 掠固原之西驪子川響石溝游騎至彭陽鎮原

閏卯庚申旌韓府鎮國將軍範堦孝行

庚辰前南京右都御史熊繡卒繡字汝明豐城人成化丙戌

進士授行人拜御史有風力坐累謫知清豐縣進守鳳翔大

饑下車輒雨歲登歷山東左叅政右布政使擢撫延綏憂去

起兵部左右侍郎裁騰驤勇士殆萬人總督兩廣逆瑾不能

中召總南臺引去簡直清介臨事有執不殖生產歷官四十

三年始終一節贈南京刑部尚書太子少保謚莊簡子 幼

月給粟一石蓋異數也

甲申楊谷唐龍何鰲萬鏊成英李素王應鵬吳華何鉞張文

明孫方袁澤高鉞為監察御史實授

薊州海豐水電殺穀麥

丙戌大學士梁儲等請止太素啟天鷲房舡塢等工不報

五月亥朔兵部尚書王瓊同大監谷太月新寧伯譚祐提督團

營

戊子右都御史石玠為戶部尚書南京禮部尚書喬宇改南

京兵部尚書

己丑府軍衛帶俸都指揮使李隆自陳柅源功進左府署都

督同知帶俸

壬辰禮部左侍郎李遜學為南京禮部尚書

初中旨令提督廣東市舶司太監曹宏採異香土物巡按監

察御史丁楷疏諫不聽

丙午宥提督三關副總兵都指揮司神周罪降總旗而納粟

指揮僉事如故

丁未南京太常寺少卿羅欽順為南京吏部右侍郎

壬子翰林檢討張邦奇為湖廣提學副使

癸丑夜大星自文昌派至近濁尾跡炸散

乙卯前巡撫大同右副都御史王綸卒綸濱州人成化丁未

進士授給事中有才略伉傲酷暴遷江西參議參政好管屬

吏嘗巡湖西有巨舟阻淺不及避盡榜之死數十人聽訟以先訴為直下郡縣或直被訟者輒怒仇視其弟殺殊無士行是月丁大掠固原隆德靜寧總制鄧璋募死士夜入丁營竊馬斬首賞各有差

六月己鎮守宣府太監于喜部卒私騎官馬總兵卻永杖之喜誣永不軌調寧夏以寧夏總兵潘浩鎮宣府

四川盜雷伯定等伏誅

己未巡撫山東右僉都御史趙璜為工部右侍郎兼左僉都御史總理河道

裁陝西潼關河南彰德兵備官

庚申廣東右布政使吳廷舉兼按察副使為嶺西備時

巡按直隸監察御史陳言以通州倉增內臣十一人乞停止警也

命暫供職以後京通總督仍二人監督臨徐淮安三人著為

令

兩廣總兵武定侯郭勛屢被劾不問

壬戌增兗州同知大名通判長垣東明曹縣城武主簿各一

徐溝大谷縣大雨雹傷稼

復神木千戶所於朝陽門

甲子夜月犯房宿

乙丑夜大星自天市東垣派斗宿色青白

丙寅應天府尹黃瓚為右副都御史巡撫山東

己巳朵顏衛夷分道內侵都指揮同知桂勇為署都督僉事副總兵禦之初花當子把兒孫以千餘騎入馬蘭谷殺參將陳乾又五百騎入板場谷千騎入神仙嶺千餘騎入水關洞

分守松潘副總兵都指揮僉事吳坤為署都督僉事總兵鎮守四川舊不設總鎮時亦不刺走四川將掠彰臘坤欲避

之稷言松潘去會城遠請更設總鎮賂本兵得之

庚午通事程理彝勇與朵顏夷為奸利逮之命各邊通事歲更之

總督甘肅彭澤以土魯番速壇滿達見奉命後歸哈密城印於都督滿哈刺三寫赤虎仙已召還頭目火者他只丁并上所奪赤斤衛印哈密王速壇拜牙郎尚匿於其弟把巴反營目兄弟不成故未釋也必重賞始克還事下總制鄧璋

夜月食既清源交城縣地震

辛未大學士梁儲等言日者聞

駕出西安門經宿而回不

知臨幸何所道路相傳衆口藉、天子出入必備法駕必
傳警蹕衛士環列百官扈從所以嚴至尊而防意外也如南
郊大祀不過一宿虎賁之旅鷹揚之將周旋左右而直廬拱
衛官軍萬餘警柝之聲夜以連旦至於皇城各門又勛威重
臣守視令、駕之出也環衛何人扈從何人居守何官群臣
茫不與聞若徒無故輕身而出率意而往擾、塵埃中萬一
車馬警蹕之虞奸盜竊發之變何以備之雖天神協相決無
是事而臣等過計實切寒心聖性高明洞燭事機已非一日
必不輕動竊恐左右群小有諛希寵之徒倡引事端疊惑聖
聰聽、陛下偶未深思而遽從之導引之罪殆不容誅伏望
陛下念祖宗付託之重體臣民瞻戴之情自今以往端
拱穆清嚴內外出入之防戒非時之宴游屏亡益之嬉戲秉
持剛斷以解臣民之疑不報

太原地震

壬申南京光祿寺卿王宸為應天府尹

癸酉夜嘉興暴雨水頃刻文許壞民居害稼

甲戌尚膳監太監王釐弟仲金為錦衣百戶

給事中王良佐監察御史周倫主事侯綸奉命選各營衛官

軍時支餉官軍三十八萬四千七百四十五人各監局供役者不十八萬一千人從征二萬九千十五人通六萬五千四百五十二人團營見卒十三萬四千九百八十三人選僅得二萬三千三百二十三人覆選京衛得五萬八千三百四十一人外衛萬三千八百二十八人

丁丑薊州總兵官遂安伯陳璉劾免

已卯雲南路江安撫司土官綿捧作亂官軍誘執之獄死
初貴州鎮溪千戶所苗民龍麻陽與銅仁長官司苗目龍章保各攻剽至是擊斬之

壬午署都督僉事桂勇奏帶官旗等百三十人許之兵部議減不聽

陝西都指揮同知戴欽為署都督僉事總兵鎮守薊永山海
癸未巡撫甘肅右副都御史趙鑑改南京都察院

甲申復給湖廣忠峒安撫司忠建安撫司高羅安撫司印永樂間施州人譚文昌譚暹廖汝鳳秦忠逃入冒土官裔襲職至弘治間正罪印貯於官至是巡撫右副都御史秦金奏由隆在忠峒田本忠在忠建田萬金在高羅皆真夷種遂給印而鎮南長官司冒於廖汝鳳真夷種其司廢

乙酉前大同總兵都督僉事張安卒

七月亥陝西提學副使祝萃為廣東左參政

己丑陝西左布政使李昆為右副都御史巡撫甘肅

庚寅故襄陽推官內江吳伯鈞擊盜東鄉死子鳳興廢入監

壬辰監察御史程啟充言我朝軍職授官悉准首級載在會

典今倖門漸開有買功冒功寄名竄名併功之弊權要齎金

帛私賂戰士易首級曰買功申衝鋒斬獲而已取之甚至殺

良報級曰冒功身在家庭名隸行伍曰寄名賄吏胥洗補文

冊曰竄名一人之身一日之間所在獲功甘遼宣大兩廣川

貴相去數千里不出門閭皆報功累級驟歷崇階曰併功乞

本兵人一清核詔仍之時爵賞濫甚權要之踈族下逮廝養

冒至蟒玉猶供賤役如平涼伯馬山汲水盤馬於庭朱學嫁

女蒼頭數十人皆錦衣銜壻齊佐三日來謁寧令人奉盒曰

以餉吾壻故之則都指揮牙牌也佐即席拜恩布衣王獻不

一歲官已都督酒傭趙謹筦皇店旬日萬金皆前所未聞也

癸巳白河縣地震

乙未江西建昌盜徐九齡肆掠踰三十年至是討平之斬四

百八十一人

丙申，萬騎入延綏新興堡

丁酉嘉興同知張龍乞復先任通政司右叅議吏部覆其無
行宜罪有旨俟後命蓋朱學右之也龍居喪日宴飲私隣婦
章氏妾之其夫蔡某怒而走役中貴家且報怨龍移妾往父
事中貴得釋

戊戌監察御史高公韶謫富民典史公韶劾王瓊覲兵部既
用之後私松潘副總兵吳坤致花當患邊瓊疏辨 上責公
韶通夷排陷大臣御史蕭鳴鳳疏救以朋護不聽
己亥重修太素殿初朴甚覆以茅至是費二十餘萬役三千

餘人又御馬監鐘鼓司南城豹房新房火藥庫皆肇工工部
雖執奏具文耳權閹之莊園祠墓及香火寺觀盡帑不可勝
計

前巡樓廣西監察御史朱志榮索賄土官屬吏私女婦被劾
下錦衣獄戍貴州

辛丑許占城使臣力那巴等領封還國初給事中李貫被命
不欲行遷延五年奏占城自安南逐古來後置居赤坎邦都
即國非舊疆況古來乃占城王齋亞麻勿庵之頭目殺王攘
位王三子其一在律以春秋之法雖不問罪亦必絕貢故臣

請領封亦存其禮而不費斟酌之義也詔從之

談遷曰占城雖險遠業奉命矣竟不一往彼乘槎泛海者何人哉即曰夷人領封當始議於朝貢之日安有天書又下委勅冊於海濱而莫之問也其示弱不淺矣

西番冬沙族刺麻捨加掠西寧指揮張麟失利復掠碾伯總兵徐謙合都指揮陶文叅將魯經等戰自隆溝山斬九十餘級俘二人乃遜

夜海陽潮陽揭陽饒平暴風雨壞城舍人畜亡筭禮科給事中范洵請各省鄉試遣京考部議寢之

壬寅給提學官關防以江西提學僉事田汝耜始

癸卯夜月犯外屏東第二星

甲辰寇羅文谷指揮周召等擊斬十六級寇張象口指揮張源等擊斬三十級

乙巳游兵把總千戶魯經收固原城聞警遽出大敗圍於水頭山死四十九人傷倍之詔逮經

丙午廣寧衛地震

丁未夜月犯天高東南星

十二萬餘騎寇花馬池大掠平涼鞏昌直抵隴州官軍分過

不能禦

戊申夜月犯司怪東第一星

辛亥夜大星色青白自中天派至近濁

甲寅降巡撫大同右副都御史高友璣為湖廣副使失事故

前巡撫遼東右副都御史劉瓛卒濟南人成化戊戌進士

傳薄固原城殺西安府同知總兵侯勛樓兵不出亦不

乙月外朔遣少監秦勅楊廷和入朝

己未雲南按察副使朱應登為左叅政

丙辰掠平涼屯南山涇川忽掠屬縣東及涇邠之亭口南

越華亭至隴之汧陽凡六日蹂踐千餘里村落為墟華亭縣

民洶欲夜遁同知平定吳璉通行縣令敢下城者斬衆乃

止堅守明日總兵官侯勛游擊杭雄鄭卿守備陶文王爵等

共九千人屯平涼城西二十里老山坡不援

己未潛移龍音寺堡杭雄前戰勦嗔其不聽命三十騎

榆林副總兵安國軍三千在鎮原指揮吳罷兵千五百在彭

陽城可交擊亦不出平涼安東二衛土其門不顧外郭承平

久民不識不知避驅掠人畜數十萬平涼諸生蒙廷珪上

書巡按御史常在述兵勢凡數千言之越華亭城西南村

溝兩崖多茂林華亭民楊循先伐木不絕俟八十餘騎而
絕覆之仆聲殷地一方驚顧循射殪其三人餘策騎奔為叢
林所巔且行且殪之無脫者又民劉廷松楊常學不多所
殪首級成腐潰平涼府志

辛酉南京刑部右侍郎藍章兼左僉都御史清理兩淮長蘆
鹽法前巡撫宣府右僉都御史王雲鳳清理兩浙福建鹽法
壬戌御用監太監張永同御馬太監谷大用總管神機營并
提督團營

給還開平王常遇春玄孫瑋江都田宅遇春長子茂安置廣

西卒無子次子昇安置雲南生繼祖繼祖生寧生復填注
南京錦衣衛帶俵指揮使復子瑋

丁卯吏部左侍郎毛紀為禮部尚書

夜月犯壘壁陣東五星金星犯太微西垣工將星

戊辰向信黎龍林潮董相伍希儒王偉王以旂賈啟熊蘭石
金楊秉中張欽唐灑王溱沈霽鄭慕為試監察御史溱霽慕
並南京

癸酉吏部右侍郎毛澄為左侍郎南京戶部右侍郎王鴻儒
改吏部右侍郎

丁丑大理府地震

夜月犯左執法星

戊寅前兵部尚書王欽卒 西安人 成化辛丑進士

辛巳中肯都知監太監傅倫鎮守廣西

山西平 衛地震有聲

壬午江西左布政使陳恪為右副都御史巡撫南贛汀漳

監察御史張經劾太監于喜下獄

自榆林入米脂綏德無定河大川至山西石州黃河西岸

大掠

九月庚寅廣東封川廣西蒼梧俱無雲而震

辛卯北 寇隴州亦不刺復寇沅岷右都督張洪總兵提督

陝西諸路軍務率萬人赴之

金華知府劉蘊推浙江副使以降調官不許蓋蘊戶科給事

時以中官落職猶憾之 蘊字維馨有秋佩集一卷

都督同知馬釗為右都督 馬永成蒼頭自百戶起

壬辰設工部署郎中二人催木料

解州地震

夜月犯羅堰南星

癸巳中旨御馬監太監廖鑿鎮守陝西吳景鎮守河南杜甫
鎮守湖廣徹廖堂王宏王潤

甲午傳制封厚勳榮世子厚燾福寧王融燧韓世子融峻長
洲王旭欄褒城王厚櫛廣安王銓鍾雲和王寘鏌豐林王
兵部主事楊應奎以五萬金市河南陝西馬千各匹

乙未大理府地大震四日

總督兩廣右都御史周南致仕

丁酉鞏昌通判孫璘獲一諜細車罕帖木兒械入京

戊戌錄囚

十月外中旨鎮守貴州太監史泰調雲南太監李鎮代之太監
黎鑑鎮守山東兼筦臨清罷梁裕昇真

丁巳顏頤壽服闋仍右僉都御史順天府尹李充嗣為右副
都御史巡撫河南

南京右都御史黃珂奉表至乞展墓許之

南京監察御史范輅上言今日大計未定大疑未決陛下
獨御於上而皇儲不豫建也宗室之賢孰與異姓義子陛下

下日馳逞於騎射戎陣曾念不及此其如宗廟社稷何不報
談遷曰 康陵嗣服久前星杳然諸臣雖私憂之莫敢抗

簡其後屢見之公車 上若周閭也者固游宴不及闕亦
權幸無以激其怒也 世宗之明涉及皇儲輒立譴則

康陵時議者誠厚幸矣

癸亥都督同知朱寧為右都督以緝捕功也

夜月犯壘壁陣東二星

甲子水灾免長洲常熟嘉定田租

丙寅浙人曹祖誣告壽寧侯張鶴齡都督延齡陰謀不軌命

廷訊免鶴齡兄弟朝叅祖懼飲毒死 上益疑之詰刑部尚

書張子麟等遠視獄主事數人係詔獄而祖死無他端告變

尤罔乃寢不治子麟等奪俸有差 上因踈外氏及祖上變

闔門惶懼賴 太后力為解鶴齡兄弟亦厚獻始釋

淮府德興王見溲薨謚莊僖

丁卯夜月犯天廩北星

戊辰南京工部尚書柴昇疾去

夜月犯畢宿西星

庚午右副都御史王倬為南京兵部右侍郎

辛未夜月犯井宿東星

壬申河南右布政使孫燧為右副都御史巡撫江西

癸酉張崙嗣英國公張懋孫

甲戌沂州地震

乙亥莒州地震

南京右都御史黃珂為南京工部尚書大理寺左少卿李瓚

為左僉都御史整飭薊州兵備兼巡撫順天

已卯巡按南直隸監察御史施儒治門卒戍外衛過當下獄

削籍

辛巳總理糧儲右副都御史鄧庠為南京右都御史大理寺

右少卿胡瓚為左少卿

壬午太監張永谷大用新寧伯譚祐尚書王瓊兼提督大工

前巡撫延綏右僉都御史吳世忠卒世忠金谿人弘治庶戍

進士授給事中鯁介有文學遇事敢言遷湖廣右叅議銳意

興革逆瑾遣邏校伺仕楚者或摘同姓胡某音同悞逮世忠

忍受不辨降山東僉事歷撫延綏留心邊務逐一失利去官

才不逮志知者惜之

十月癸未朔錦衣衛都指揮使張蘭為後府都督同知姪太監銳

甲申南京禮部右侍郎楊廉言國家歲暮禋祭合食太廟之

前殿四孟時祭亦然禘祭則 德祖南向 懿祖以下皆東

西列時祭則 德祖南向 仁祖以下皆東西列臣懸以太祖取天下於北狄功高萬世宜合祭正南向之位乞下廷議章付所司

丙戌右僉都御史張津為右副都御史巡撫蘄松常鎮蕪總理糧儲

庚寅故巡撫寧夏安惟學子弘嗣廕國子生罷其贈

壬辰浙江按察使范鏞為南京右僉都御史提督操江

乙未入宣府雲州

哈密衛都督同知奄克孛刺有功加左都督

丙申增揚州管糧通判

甲辰覈內閣藏書委誥勅房主事李繼先典籍劉偉多見盜

丙午翰林編脩趙永為侍讀

水災免仁和錢塘海寧富陽餘杭臨安於潛新城安吉烏程

歸安長興孝豐德清武康寧海夏麥絲綿絹鈔有差

戊申朶顏衛都督花當令子把真打哈等貢馬十匹云子把

兒孫前犯順殺叅將陳乾已遁詔受之初兵部尚書王瓊以

乾死請遣使詰花當如花當不知則執其子來歸償罪花當

不坐不服則兵之遠兵攻其左宣大兵攻其右破滅必矣花

當懼服如今

王維楨曰花當夷種也輕生善鬪豈憚我兵哉貪漢財物如啖甘蔗舍而勿思嚼之也恭襄習之故花當寧棄其子意不絕漢好即如忍而不問將無忌矣今若此則是薄賞之恩予其降伏誅伐之典咎其犯順威惠並著以革其奸而誘其衷若恭襄者真謀臣也

己酉司設太監劉允往烏思藏齎送番供等物近幸言西域胡僧知三生事土人曰活佛遂遣允迎之珠琲為幡幢黃金為七供賜法王誥印袈裟及其徒饋賜以鉅萬計內府黃金

為匱期往返十年又途帶茶鹽之利亦數十萬計允未發而津導已至臨清阻漕入峽江舟大難進易以構艦亘二百餘里至成都有司作新館旬日成治入番物料計銀二十萬鎮巡爭之戒七萬工作日夜不休歲餘始行以四川指揮千戶十人甲士千人而西踰兩月至其地番僧云佛子者恐我誘害不出允欲威脅之番人夜襲我奪寶貨器械武弁死二人士卒數百人傷半之允騎得善馬疾走僅免還成都戒下人諱其喪敗空函馳奏乞歸則上已登遐矣

談遷曰烏思藏在西蜀徼外奉職貢上即好奇裝遣一

介之使浹歲為期可耳何至糜帑數十萬戒塗十年哉事
出不經益誕謾惟所欲為矣

庚戌乾清宮肇工

大理寺卿陳珂被劾免

中旨御用監左監丞張明守備峨嵋山等營徹宋寶

壬子大學士梁儲等言劉允請勅如永樂宣德鄧成侯顯等
例秦帶太監劉宗等八人錦衣指揮同知韋祿等百十三人
各給車馬廩廩又長蘆鹽引一萬兩淮鹽引六萬俱欲勅載
於法於例俱非所宜乞收回成命即令朝貢使臣齎往庶禮

意不失不聽

十二癸丑朔日食改次日視郊牲

翰林編脩李時為侍讀

浙江左布政使方良永致仕朱寧鬻鈔於浙救鈔價重皆抑配
於民良永上言陛下寵寧富貴已極豈區區規此鈔利哉
鈔價在寧所甚微而浙民受害甚大近年兵荒食且不給豈
有贏餘買此無用之物若借公帑以奉私征臣不能也所遣
之人督責郡縣奉行過於勅旨請而詰責亟令罷之若懷詐
遂非宜明正典刑以謝天下寧聞之大恐欲重譴或曰彼豈

畏罪徒成其名耳寧乃止密還所遣者良永待罪久引疾者
三始克去

陳善曰長者之論方公多惜其拙於政理予謂錢寧一跡
直聲震天下身幾不免此智巧者所不能為也且彼雖拙
於謀已而長於濟民故身退而名益重焉豈所謂大智若
拙者耶

丙辰監察御史徐文華跡阻迎佛不聽

勞四川巡撫右副都御史馬昊副總兵吳坤副使盧翊金幣
初亦不刺犯松潘攻掠各寨千戶張倫合番人夜襲一敗

之始遁

逮寧波知府翟唐初浙江市舶司太監崔瑄以貢奉採茶蜜
又縱海舡載貨入港惠民附之唐杖其人尋疾沒瑄奏唐阻
截貢奉命下鎮撫司謫嵩明知州

丁巳入渾源應州馬邑威寧山陰

戊午戒諭淮王祐祀王游戲無度左右多亡賴縱虐左長史
海陽莊典白於巡撫右副都御史任漢求去事聞下御史拷
治左右王跡辨且留典許之鎮守太監黎安嘗至饒州從者
騎近端禮門被撻而寧王宸濠與王隙嫉安誣王罪典不能

匡正事下撫按宸濠遽執典於府箠之數日卒獄中於是王
奏安挾仇殺典及他事命司禮太監張欽右副都御史金獻
民錦衣指揮使薛璽往按其狀俱庇宸濠安隱其交構事報
王聽信奸徒為惡請戒諭從之罷安鎮守蓋淮先王有古琴
曰天風環珮宸濠求不能得遂隙而饒州濱湖地衝濠久蓄
異志欲吞併之王奏辨不敢及當事又諱之典目將不瞑矣

嘉靖初贈太常

寺少卿諭祭

已未南京戶部尚書胡富致仕

巡撫保定右副都御史張淳被劾免

癸酉吏部文選司火即中萬鍾員外郎蘓民主事馬理王鑿

及巡風主事余寬並下鎮撫司贖杖還職

暹羅國來貢上金葉表四夷館不能譯大學士梁儲上言四

夷館太常卿沈冬魁云回、館專譯回、青海夷附本館帶

譯近年八百大甸等夷字失傳暫令頭目監者歌在番教習

今宜於暹羅夷使選一二人入館教習待成日送歸從之又

貢舡壞特給脩費

乙亥左府帶俸署都督僉事傅鑑右府僉書後府帶俸都督

同知朱彬張林僉書林太監張雄姪

丁丑南京大理寺卿洪遠為南京右都御史

湖廣致仕永順宣慰使彭世麒獻大木三十次木二百助大

已卯前南京太常寺卿張芮卒芮安邑人成化戊戌進士館

選授檢討至學士忤瑾出守鎮江再謫兩浙鹽運副使稍遷

處州同知瑾誅拜南京尚寶司卿進太常性坦朴以嗜酒於

種學績文之事或非所好稍忝於學士云

旱灾免鳳陽淮安揚廬徐泗宿田租

辛巳錦衣衛指揮同知白垓奏父尚書昂勦盜脩陵功命南

鎮撫司視事時武弁陳乞文臣子弟亦效之垓重費得錦衣

未幾卒家破

有能飛麻城縣獲之

丙子正德十一年

正月未朔酉刻 上始御奉天殿朝罷深夜奔起相蹂踐將軍

趙訥斃於禁門其餘失簪笄毀冠裳午門外從者喧覓官長

聲如市徹於殿陛已御史程啟充蹕諫不報

甲申署太常寺事禮部右侍郎楊旦改戶部右侍郎總督倉

塲

辛卯撫治鄖陽右副都御史任漢為南京大理寺卿

壬辰潘倣劉廷蓋陳良玉周震樊繼祖陶麟蔣亨林有年李鎮吳閔陸時通竄欽鄭光琬為試監察御史麟時通有年光琬並南京

乙未 工南郊先是梁儲等駕出若暮夜護從供事數萬人塵埃昏黑禁門出入尤難閱防伏願深思大祀之重駕出鑿回悉遵故事不報

丁酉署通政司事兵部右侍郎劉愷為禮部尚書署太常寺

事

戊戌商人梁相等乞開賣河東餘鹽從之戶部不能奪
庚子增徐州筦糧判官

大同左副總兵林寬禦 失律降都指揮僉事
南京禮科給事中徐文溥等請擇立皇儲不報

甲辰提督軍務左副都御史陳天祥回院

乙巳召督餉兵部右侍郎馮清入朝

丙午南京太僕寺少卿文森為右僉都御史巡撫南贛汀漳
丁未故韶州同知上虞韓銑以正德初征叛徃死贈知府子

沈入太學

二壬子朔左叅將房潤充副總兵鎮守廣西

癸丑松藩墻柵成勅獎巡撫都御史馬昊

甲寅工科左給事中潘壻等以西安門外積慶鳴玉坊民數

千百冢巷泣云朝廷設教塲或曰築私第此必近幸創說非

皇上意也乞諭慰之不報

乙卯馬邑地震

丁巳贈馬蘭谷叅將陳乾都指揮同知予祭葬

襄府陽山王見滂薨謚恭和

庚辰入遼東清河堡

三壬午朔吏科都給事中呂經等言馬昂女弟之入 皇上果

為皇儲計宜傳選世族使備嬪御奈何溺卑汚以自襲子望

誅昂并斥孕婦御史張淮等亦言之不報

丙戌立秦州太昊伏羲氏廟古成紀地

追封英國公張懋寧陽王

庚寅時傳作宣府行宮備行幸巡樓御史盧雍疏諫不聽

癸巳戶科給事中黃重上言兩京大臣遷轉太驟當重名器

有司陞調不常當久任用曰樞機論薦失實當慎考覈抽分

官誅求太濫當省權課報聞

丁酉巡撫宣府右僉都御史孟春王翊俱失事降陝西浙江
左叅議

戊戌左都督劉暉為總兵署都督僉事桂勇署都指揮使賈
鑑為左右叅將團營操練

癸卯慶成王府鎮國將軍奇瀛等尤惡降奇瀛庶人表據奇
涇等奪祿有差

定宗室婚封及期巡撫及長史等亟奏請毋啟郡王索賕致
怨曠

甲辰閣臣言馬昂納妹事不報

戊申兵部奏哈密亦虎仙報土魯番止歸金印火者他只
丁尚據城要重購請下甘肅備之

庚戌琉球入貢女南鄭惟鏞鄭綏與其黨陳真弒國王黎暉
諒山都將陳嵩自稱陳氏後以諒山之甲逼交州殺惟鏞自
立夷號天應陳真攻之走諒山綏等共立諫一名椅改元光
紹真顯一哲宗明皇帝謚明靈隱王追謚黎誼威穆^帝遣陳真
攻諒山嵩病死獲其子昂誅之

四
巳月未山西慶成永和二王府歲祿折金餘如舊

庚申鎮守雲南黔國公沐崑求歸葬母不允進太子太保賂
當事得之

分守莊浪西寧左叅將署都督僉事魯經為都督同知溝白土

辛酉廣東右布政使兼按察副使吳廷舉薦致仕布政使德

興舒清初任立事杭州築隄捍水患轉郎中視事鈞州掘錢

十一萬緡歸公帑乞量進京秩或賜月粟吏部覆之

乙丑楚府通山王榮濠薨謚溫定

丙寅賜寧王宸濠書院名陽春濠賂中貴所奏輒允

戊辰令各巡撫檢災賑濟

甲戌恭陵雷震火起尋熄

貴州巡撫都御史曹祥劾免聽勘

乙亥溫仁和服闋補翰林侍讀

丙子原武縣大雨雹

丁丑先是織造太監史宣誣管閘主事王鑿沛縣知縣胡守

約俱下獄南京吏科給事中孫懋等疏救不報

遼州和順榆社大雨雹傷田苗人畜

戊寅中府帶俸都督同知王瓌為僉書瓌自軍校不二年登

五府朱寧之力也

庚辰災傷賑順天永平保定河間
中旨御馬太監孫清鎮守河南

五癸未河南大饑賑之

丙戌設開封治河司知

丁亥雲南左布政使邵文盛為右副都御史巡撫貴州兼理
軍務

戊子南京禮科給事中徐文溥薦致仕侍郎章懋學行命有
司存問

己丑賑陝西

庚寅土魯番歸哈密城火者他只丁得重賂去之速壇拜牙
郎尚留阿速城速壇滿速見之弟把巴及所廷議別立安定
故王干奔後裔兵部請降勅一責滿速見背德仍量賞令改
過一諭把巴及母執迷貽悔從之

辛卯翰林侍讀學士顧清為少詹事兼學士侍讀朱希周汪
俊為侍讀學士左右中允劉龍李廷相為侍講學士侍講顧
鼎臣侍讀溫仁和董玘為左諭德兼侍讀侍讀趙永李時為
右諭德兼侍講脩撰滕霄為洗馬兼編修
壬辰陝西華亭縣大雨雹傷稼河溢溺人畜

丁酉江西提學僉事田汝籽為養疾御史宋景貢士安福劉
養正詔景復職養正詣京

唐子故四川按察僉事王源予祭葬

故廣東左布政使臨海陳選贈光祿寺卿謚恭愍

辛丑鎮守甘肅總兵官都督同知徐謙致仕以屢立功進右

都督

癸卯前兵部右侍郎李貢卒蕪湖人成化甲辰進士勤慎精敏歷官稱治

乙巳贈南京吏部尚書黃珣太子少保

甘州左副總兵都指揮同知史鏞為署都督僉事總兵鎮守

甘肅

中旨內官監太監王賜鎮守金齒騰衝

丁未把兒孫謀入寇左都督劉暉總兵率團營五百人及邊

兵禦之

庚戌巡撫雲南右副都御史王懋中致仕

前太子太保兵部尚書劉大夏卒大夏字時雍華容人天順

甲申進士選館授兵部主事歷郎中太監汪直欲取安南命

檢承樂征調冊匿覆之出福建右叅政廣東浙江左右布政

使進右副都御史治張秋決河成改左副都御史戶部左右

侍郎總宣大兩廣並著績入直兵部 孝宗屢召對最被知
過清脩剛介別歷中外政績卓然晚遭禍戍邊毅然之氣卒
不少變天下重之贈太保謚忠宣

袁宏曰 敬皇帝之御極也寤寐忠良優禮元老廟堂有
都俞之風薄海奏熙和之績維時華容劉公獨以篤棊之
忠受特達之遇畫日三接罷冠百僚造膝黼衣前席宣室
屏人密語日旰未退雖元勳碩輔腹心禁近不得與聞君
臣之交不啻魚水朝野望治立登三五而鼎湖抱泣遐荒
碎齋如喪考妣劉公白首束縛幽圜遂戍青海士大夫聞

者知與不知無不涕涕遂使毒沫縉紳幾捏社稷剝復相
倚天實為之夫既有君有臣矣而垂成之功墮於奄忽是
曷故耶

馮時可曰 敬皇帝神聖惟知人安民是急公於此時吐
大赤抱大素外屏而內襄迨登常伯嘉謀嘉猷與環珮雲
韶並響岩廊 天子為之都俞如唐虞廷也偉矣乎嚴師
拂士心切望殷如策追不顧騎如急響不及弦及其末路
卒為倭幸所中人嗜其齋已啜其荼休咎之不常如此獨
其終始持一節盟諸上帝不載兩心自岐宜其建樹炳、

予明況、予大所謂五百年名世豈偶然哉
何喬遠曰鬼神之事誠亦有之予見華容人言天順會場
之火若有三神人推劉公出之棘墻之外公方裸踰墻出
若有神人與之衣其後先報以吉凶事劉公卒用至大官
抑夫神之所佐者德者也三神人者華容東山之神劉公
今子孫蕃衍盛於詩書家歲遍祀三華容神云

六月子都督僉事孫棠充右叅將分守固原

甲寅酉刻金星晝見己未滅

丙辰都督僉事周倫守備靖

丁巳尚衣監太監浦智往浙江直隸織紗羅紵絲萬六千七
百餘匹工部難之不聽

戊午故右都督張林子政世錦衣指揮使林本太監張雄舍
人冒功

給事中周文熙等乞梳覈蕃牧等衛所御馬監永清等衛工
匠工部監甲廠軍器局營繕所織染所蘆溝橋相分竹木廠
京城宮城諸門神宮監供用庫內承運庫太僕等軍役 工
不聽

宣府大雨游擊將軍靳英方造三千人禦 龍門至漫嶺迤

東山水暴溢溺七十餘人
懷安城驟雨雷大震草場火

己未南京右僉都御史范鏞為右副都御史巡撫雲南
庚申昏刻月犯鍵閉星

辛酉夏津縣雨雹

壬戌巡撫山西右僉都御史李銳改南京提督操江

乙丑吏科都給事中呂經等御史程昌等論山西左布政
使倪天民右布政使陳遠右叅議孫清登州知府張龍為天
下四害下吏部而令人臧賢庇清朱寧庇龍吏部尚書楊一

清庇天民達科道僅言大臣庇之不敢措一清

丁卯浙江左布政使任鑑為右副都御史兼巡撫山西提督
鴈門等關

戊辰南京吏科給事中孫懋等言臣等累疏皆留中不報抑
左右權幸壅蔽耶夫明日達聰堯舜所以成治偏聽獨任秦
隋所以敗亡願堯舜為法秦隋為鑒

庚午平原妖人胡文智伏誅文智習妖術往來衛輝間作變
世歌興衰賦誑人結黨謀不軌輝縣知縣朱卿捕之

甲戌宣府大雨雹自正月不雨至五月至是冰雹傷稼

丙子裁廣西府江兵備道

戊寅前南京刑部尚書潘蕃卒蕃字廷芳崇德人成化丙戌進士授部主事歷撫四川進南京兵部侍郎出督兩廣思恩土知府岑濬田州土知州岑猛相仇殺蕃剿之改派官從猛福建沿海千戶拒命逆瑾遂并罪兵部劉大夏並戍河西瑾誅得釋蕃歷官持已皆平實無可議

七月申許鎮守山東太監黎鑑收太山元君祠香金備脩費

乙酉貴州車板寨苗阿傍等作亂命湖廣貴州會討

丙戌中書御馬監右少監趙昇守備倒馬關

戊子災傷免霸州大城文安靜海葦課

己丑初鎮守河南太監廖堂附逆瑾做進貢後相沿馬廵撫

右副都御史李充嗣言近時鎮瑞進貢有古銅器窰變盆黃

鷹角鷹錦雞獵犬羔皮等皆假名科歛又拜見銀湏知銀圖

本銀稅課司銀出辦椿草銀扣除驛傳銀馬價銀甲首銀快

手月錢銀河夫歇役銀動數十萬計而左右私弊不與焉乞

盡禁之詔進貢如故

癸巳雲南按察使劉麟疾罷

前江西按察副使胡世寧戍遼東世寧下獄二年竟坐罪自

是監司等畏寧藩相視以目世寧子繼奇士也世寧擊賊江西必從繼方略十不失一前跡上繼蹠曰必重禍奈何世寧曰吾業身殉之矣繼竟痛憤死世寧母獨不哭曰此子在當作賊胡氏滅矣

袁袞曰方宸濠之謀逆也吏於江西者咸劫於積威勢怵利啗惟其欲之是聽志富貴結腹心如潘鵬王泰者不少也間有稍知順逆者不過循默自保觀望規避以脫虎口為幸耳孰有奮不顧身如胡公者哉跡朝入而禍夕發左右出入門戶寢居皆逆徒也而竟以脫身間走械係掖廷備嘗百毒賴御史徐文華等抗章申救僅而遠戍然而已邠之變孫許駢謬遠近震驚向使當事者採從薪之謹謀謹履霜之明戒先事制變禍亂何自而生哉

沛縣知縣胡守約削籍初織造太監史宣過沛索挽舟千人守約半如命半給值宣不聽因爭之宣還訐守約及管閘主事王爨俱下獄贖杖還職

甲午翰林編脩徐縉為侍讀

旱災減兗州今年田租

撫治鄖陽右僉都御史公勉仁卒蒙陰人弘治唐成進士

乙未，寇白羊口，左都督劉暉、總兵太監張忠監督軍務，參將桂勇、賈鑑各以西官廳兵赴之。

嚴從簡曰：官官鎮守宣德，末事也。其出將則正德間也。一則宣皇彌留之際，一則權奸用事之時，可慨也。夫命兵部分諭慰軍民時，警甚，居人驚潰，謁陵之使聞，已入白羊口，皆策馬而走。老幼扶携相屬於道。

潘王幼墾，薨年五十五，謚曰莊。

丙申，兵部右侍郎丁鳳兼左僉都御史，提督宣大軍務。
丁酉，中旨令太僕寺給太監張忠馬三千匹。

壬寅，西安府地震。

南京操江懷寧侯孫應爵疾免，南和伯方壽祥代。

入青邊口，命都指揮張安率京兵千人赴白羊口。

乙巳，益兵守紫荆等關。

丙午，工部右侍郎兼右僉都御史趙璜整飭順天武備，工部左侍郎俞琳兼右僉都御史整飭保定真定武備。慮深入，丁未，巡按宣府監察御史張經謫雲南、河西典史經先劾鎮守太監于喜開除慶州城門，西便汲，不白喜經，又杖死人，喜誣其擅開城垣，虐死，辜逮下獄。

戊申雲南府地震

八月戊朔四川楚蠻作亂命招諭不聽即兵之

辛亥命都指揮同知袁傑韓平都指揮僉事蔣鑑高謙焦倫各將三千騎撫寧侯朱麒安遠侯柳文將步卒萬人訓練聽征

左都御史彭澤提督東西邊關署都督同知金輔都指揮陳珣充游擊將軍以京兵七千餘人防時獲謀奸僧法順故戒嚴

癸丑一六萬騎寇宣府由金道懷來至隆慶永寧西至任安

總兵潘浩敗於賈家灣失都指揮朱春指揮王唐死之燕尾河俱敗遂犯宣府遂趨雞鳴山自青山口破城砦二十殺掠三千七百四十九人畜產三萬四千有奇命太監張忠等進兵

旱災免順天永平保定河間西安大同夏稅有差

丁巳命成國公朱輔總兵同彭澤節制給事中俞泰汪玄錫紀功

購擒叛人猴兒李授指揮使賞二千金即指揮李懷戰敗降為邊患

己未翰林院庶吉士尹襄服闋授編修

庚申賑宥平難民

壬戌裁廣信捕盜通判

癸亥逮宣府總兵官署都督僉事潘浩

甲子少傅兼太子太傅吏部尚書武英殿大學士楊一清致

仕一清始善朱寧或摘一清跡讒言可以惑聖聽匹夫可以

搢國是為寧也寧稱之而去

書韓

乙丑巡按山西監察御史李節乞優禮戶部尚文不允

戊辰南京鴻臚寺卿王子仁為左僉都御史巡撫南贛汀漳

丁丑署詹事府事禮部尚書兼翰林學士蔣冕兼文淵閣大

學士直閣

黔陽縣火

戊寅前巡撫山西右副都御史徐節卒貴州衛人成化壬辰

進士令內鄉奏最拜御史敢言嘗劾牛循萬安風裁凜然出

守太平飼二驢於私廨專送鄉人出境驛遞不聞也其廉謹

類此

九辛巳逮鎮守大同總兵官時源時寇入屢敗殺掠死亡無筭

代王俊林及鎮國將軍聰溫聰濯等以前繩治怨之以狀聞

太監張淮右都御史王璟錦衣衛指揮使陸宣往按之獄上
癸未犯龍門所官軍失利

丁亥禮部尚書毛紀兼翰林學士專誥初仍署詹事府
庚寅湖廣左布政使龔弘為應天府尹
旱災免鞏昌濟南田租之半

壬辰南京禮部尚書李遜學改北

延綏總兵官署都督僉事王勛改鎮大同分守涼州右副總
兵代勛

乙未御馬監太監趙聰甘肅監槍

後府都督同知張明為左都督

丙午南京國子祭酒魯鐸為國子祭酒

故右都督毛倫子錦襲錦衣衛指揮使倫薨瑾永成尋宥歸
錢寧微時受知於倫故官錦兵科給事中滿損等駁之不聽
後府右都督馬昂罷 上嘗飲昂葡萄酒酣召昂妾不應 上
怒而起昂引疾女弟亦疎

十月子南京翰林侍讀學士賈詠為南京國子祭酒

前太子太保刑部尚書屠勳卒勳平湖人成化己丑進士授
工部主事歷刑部郎中至令官明法律善斷嘉靖中贈太保

謚康僖

癸丑都督同知朱安為右都督

甲寅武安侯鄭英卒

乙卯前戶部尚書顧佐卒佐臨淮人成化己丑進士授刑部主事歷令官忤瑾引去然所守素高迄莫敢害年七十四贈太子太保予祭葬

丙辰傳制封勤愬周世子申錫右泉王厚煌金谿王旭樽高平王台評弘農王厚永新王寵泐長垣王見瀾南樂王厚熈懷安王顯榕長樂王勛溱沁源王

整飭保定等武備工部右侍郎俞琳還京右侍郎趙璜仍留

順天卹饑

天方國入貢

戊辰入穀陽清河等堡擊斬五十餘級

己巳東郊章綸楊樞胡潔朱寔昌許翔鳳汪淵曹珪胡瓊周廷用張英羅玉龔大有盧瓊謝源楊朝鳳龍彥為試監察御史大有等南京

辛未穆孔暉服闋改國子祭酒

癸酉韓府寧遠王旭檢薨謚宣和

甲戌浙江按察僉事韓邦奇削籍邦奇乞停採辦鎮守太監
王堂市舶太監崔瑄織造太監晁進督造太監張玉各遣人
於杭嚴等郡催備魚鰾茶綾等物進貢不才有司官吏及糧
里人等倚是貢物無敢稽察任意科歛地方被害人不聊生
而太監伴貢之物動以萬計陛下所得者一太監即所得
者十叅隨人等所得者百有司官吏所得者千糧里人等所
得者萬利歸於私家怨歸於朝廷上供者一而下取者萬望
勅該部將貢物特從停止仍揭榜戒諭今後稱進貢需索騷
動奏請究治庶民困可甦而地方無虞矣堂誣其阻格上供

且僭用輜逮下錦衣獄除名

十月己卯設妓館刑科給事中徐之鸞疏止不報

萬全都司天鼓鳴

庚辰曆國初弘文館大學士羅復仁曾孫興為國子生

壬午湖廣盜賀璋羅大洪等平

癸未裁重慶捕盜通判

蘆州地震

甲申災傷免武昌漢陽襄陽荆黃岳常德德安沔陽安陸太
原平陽澤潞田租有差

辛卯肅州衛地震

癸巳昏刻月犯井宿

甲午夜月犯天樽西星

丙申尚膳監太監

往饒州督造陶器

庚子內降吏科都給事中呂經蒲州同知兵科都給事中潘

壘開州同知王瓊在兵部以壘論事不屈多報駭并經出之

癸卯夜月掩氐宿東南星

乙巳祭故都御史馬中錫巡按監察御史盧雍訟其冤

前巡撫宣府右僉都御史王雲鳳卒雲鳳字應詔山西和順

人成化甲辰進士授禮部主事歷郎中劾太監李廣謫知陝

州廣敗起陝西提學副使山東按察使張綵薦於瑾擢國子

祭酒瑾敗改南通政擢巡撫踰兩月章數十上好奇立異銳

於取名晚節不同人多薄之

林之盛曰武廟實錄謂公為祭酒時與劉瑾女弟夫孫

聰交聰免官公劾錢致瑾不悅改通政夫先生筮仕之初

抗疏斬李廣怡然貶謫正色雅與瑾左而謂疆瑾私人以

自喪其此不亦誣乎夫武錄之誣賢者多矣新建之倡

義也而誣其從邪王鑑之之清梗也而誣其交瑾楊文襄

之匡襄也而誣其復護衛豈獨一虎谷哉近李公栢稱公博學力行以聖賢為標的居無惰容儼然終日嘗曰一息不敬便與天道不相似列之真儒考此必有知公之深者矣

談遷曰一王虎谷也在國史則玷在林氏則瑜此何說也虎谷請刊新例求瑾幸太學則封事確可據豈亦子虛烏有也虎谷名甚高謂不宜作此事及得林氏說採之以佐論定

十辰丁未朔 上視郊牲暮出夜分還宮邊騎擁門從臣幾不

得入或至蹂踐

巳酉命順天尹禱雪

癸丑鄭府丹陽王見溇薨謚靖和

勇力士營指揮僉書神周為都指揮同知周先都督同知山西

甲寅南京右副都御史趙鑑為右副都御史清理浙江福建

鹽法

鎮守大同總兵官時源被逮託疾免

戊午左都督劉暉總兵署都督僉事傅鑑都督僉事張椿為

左右叅將同團營東官廳練士

已未工部營繕郎中趙經為太常寺少卿仍視司事經先守
濮州貪甚在工部交結權奸竊帑不下數十萬嘗被盜不能
盡携也性尤淫多姬妾尋死未寧令官校云治喪守其家僅
婦子扶櫬出囊橐姬妾皆歸寧

楚雄大理蒙化景東地震

辛酉巡撫陝西右副都御史蕭翀改南院

清理兩淮鹽法南京刑部右侍郎兼左僉都御史監章致仕
劾免

壬戌終養御史陳茂烈卒茂烈字時用晉江人弘治丙辰進

士性孝友篤學貧甚不支伏臘灌園藝蔬太守聞其勞遣二
力助汲閱三日往白子曰是使野人添事而溢口食也還之
先倅吉安明允公慈民立祠歲享母喪哀毀卒無子巡按御
史王應鵬請樹坊祀鄉賢祠優給其家從之

袁宏曰漢世以孝廉設科取士猶有古意自鄉閭之教養
而孝友之風微士皆希罷干祿遺其親而不顧若陳生者
其獨行君子與

談遷曰詩咏樂饑易稱苦節此為遁世自好之士言耳若
夫通籍禁闈沾精帝庾所謂身名俱泰也陳氏身服勞績

半菽不飽閉影北堂奉其母如嚴君以魯閔而兼原憲之
獨嗚呼即求之古人不數見矣

馮時可曰昔先王以四牡勞臣推其不遑將父母而以翩
者雖為興何哉雖一名鳩慈謹之鳥也意於所宿之本
不他顧古人於君親之際竭其誠一其志有如此者陳侍
御之養母瞬息不忘其不能畢四牡之業宜也併罄壘耻
母子相依終大事而卒以啣卹殞焉為孝哉見素林公謂
公隱衷粹行對天地質鬼神黃憲管寧之流非謬語矣
懷來衛地震

丁卯巡撫大同右副都御史王憲為戶部右侍郎兼左僉都
御史巡撫陝西

翰林編脩景暘為國子司業

寧夏地震

戊辰太監張玉請往陝西甘肅市奇物兵部疏止不聽

翰林編脩崔銑為侍讀

己巳河間水災賑之

庚午雲南景東衛地震

辛未中旨都指揮同知

為後府都督同知指揮詹冕為

都指揮僉事
大理府雷震

壬申巡撫寧夏右副都御史邊憲為南京刑部右侍郎大理寺左少卿胡瓚為右僉都御史巡撫大同

魯王陽鑄恣兇州知府童旭之治其私人也訐奏旭不法旭奏辨命刑部郎中盛茂錦衣副千戶藍華按之茂後期被逮下旭鎮撫司不承釋之仍戒諭魯王

乙亥周府崇善王安溶薨謚恭順

錦衣指揮僉事潘昇太監忠從子朱寧奪其產遷昇廣東署

都指揮僉事僉書實逐也

災傷免鳳陽淮安揚徐田租有差

左都督劉暉選遠兵三千一百三十三人叅將杭雄選榆林兵亦如之各團練聽征

丙子登州知府張龍入覲求內遷部科糾之特進右通政是冬命簡閱宣府鎮兵時總兵官朱振以兵強弱相推會巡撫劉日遶跡請檢閱精壯為前營次為後營前營出戰後營為援從之

宣府志曰正德間宣鎮立前後營分番以用而不敢舍之

迹庶幾子更出之意矣當時稱振有大馬之才而鮮忠貞之節所謂才其此類乎是後前營恒統于總兵後營則統撫監出戰為援之法盡失之法以久而歎者事類此是年逮廣西按察副使陳陽以巡按御史朱光榮貪恣奏其罪命械光榮至京請戍降陽山東都轉鹽運司同知

丁丑正德十二年

正月丑朔新建縣火

戊寅召大臣科道於左順門傳諭己丑郊畢獵南苑於是閣部等各疏止不報

山西左布政使鄭陽為右副都御史巡撫寧夏

壬午南京給事中周用等乞停內降沮倖進監察御史楊必進等亦言之皆不報

癸未上杭人賴思智屢殺賊陣沒贈武略將軍子楷世襲試百戶

己丑上南郊畢幸南苑凌晨文武諸大臣追從之上方縱獵門閉不得入晡時令還候承天門夜午入城御奉天殿

行慶成禮明日以慶慶慶免分賜大臣及翰林五品以上科
道官夜宴奉天殿不設燭侍贊如常儀初工微行猶諱之
至是特諭外廷無力爭者旬日再獵南苑巡邊自此始矣
癸巳部院大計天下官降斥二千五百九人參議孫清知府
張龍仍留任科道再劾不聽

唐子後府帶俸左都督朱國卒

本許姓都督寧之子日侍豹
房為義兒賜國姓

辛丑趙府洛川王見渥薨謚榮恪

壬寅土魯番連壇滿速兒復據哈密寇肅州游擊將軍芮寧
禦之敗沒哈密僑夷多土番姻黨寫尤亦虎仙尤築監實導

滿速兒為奸利至是偶忤滿速兒欲殺之求解於火者他只

丁許賂幣千五百匹期至肅州昇之且曰肅州可得也滿速

兒悅遣虎仙及其婿馬黑本入貢覲我守臣以從使火者散

者見即他只丁第惧變併虎都寫亦羈之甘州促寫亦虎仙

出關不去他只丁遂復誘奪哈密城脅據沙州糾眾入寇至

免見壩寧同參將蔣存禮都指揮黃榮王琮禦之寧先至沙

子壩被圍分兵綴存禮等不得合寧援絕死失亡七百人番

又佯貢駝馬至肅州求和陰構阿刺思罕兒寫亦虎仙等舉

火為應兵備副使陳九疇偵知之因阿刺思罕兒等通事毛

鑑等雖防守欲逸其黨賊薄城我軍外拒諸夷且變九疇不
得發乃斬鑑等數人以徇并係其黨二百餘人賊始遁

癸卯故大學士楊士奇曾孫宗明特廕國子生上念其功

甲辰清寧宮西廡災

乙巳連山縣野火延入城燬官廨民居殆盡

丙午工科都給事中石天柱等請停陝西織袍不報

二月唐戊申旨鎮守福建太監崔安改守備南京山西鎮守太監

羅籥代安印綬監太監吳經代籥又都指揮使李琮為後府

都督僉事帶俸

左都御史彭澤提督陝西三邊軍務鎮守寧夏右都督卻永

總兵尋傳太監張永總制提督孔學監督神槍

辛亥大學士靳貴少詹事顧清主禮闈

內傳給御馬監太監陳貴符幟捕盜

甲寅延綏副總兵署都指揮僉事安國為征西將軍署都督

僉事總兵鎮守寧夏

辛酉左春坊左諭德兼翰林侍讀董玘歸省

癸亥莊浪衛天鼓鳴

戊辰引疾右僉都御史文森致仕

己巳戶部右侍郎楊潭為戶部尚書總督倉場

召整飭順天武備工部右侍郎兼右僉都御史趙

璜還

入開原鎮夷堡叅將孫崇太監王秩等禦之追至創忽兒

河斬八十七級

辛未賑順天保定永平

壬申戶部右侍郎侯觀為左侍郎

甲戌遣行人劉紳促大學士楊廷和入朝并賜勅

錄大同功陞蔭有差兵部尚書王瓊進少保瓊結權倖數承

蔭叙

三 癸未鄭綱副武安侯鄭英子

丁丑前巡撫貴州右副都御史魏英卒英慈懿人成化辛丑

進士年五十九諭祭

丙戌翰林編修許成名歸省

丁亥許厚烟嗣東垣王

庚寅廷策貢士倫以訓等三百五十八人賜舒芬倫以訓崔相

等進士及第出身有差

有火光見平陽聲如鼓

壬辰襄陽荊州大水賑之

前兵部右侍郎丁鳳卒蠡縣人成化丁未進士

癸巳工駑出北安門從校終數人至順天府大市而還比

夜傳制賜進士第

戶科給事中王俊民劾大學士靳貴不問

乙未南京光祿寺卿蔣恭為右副都御史筦南京糧儲

丁酉焦芳卒芳泌陽人天順甲申進士館選授編修歷侍講

學士謫桂陽同知守霍州後自南京右通政改太常少卿兼

侍講學士至入相凶險寡學有媚骨始比尹旻後附逆瑾貽毒

天下無不切齒

己亥琉球入貢

庚子吏科都給事中黃鍾等諫上微行不報

壬寅巡撫陝西戶部右侍郎兼左都御史王憲為兵部右侍

郎

郴州地震聲如雷

甲辰選翰林院庶吉士汪佃余承勛黃易江輝王廷陳汪應

軫劉世勝曹懷儲昱葉桂章葉式馬汝驥汪恩王三錫史于

光陳沂廩灝史道劉穆楊士靈張星廖喙蕭與成林時鄭自

壁劉士楊曹嘉閻閔李芳湯惟學黎貫席春王邦瑞許宗魯
署詹事府禮部尚書毛紀少詹事顧清教習
四期申中旨團營西官廳監督都督許泰朱彬張洪同新寧伯
譚祐等監試武舉

庚戌巡撫寧夏右副都御史鄭陽改陝西

監察御史張士隆等論陝西鎮守太監廢鑿姪鎧前坐罪復

冒錦衣千戶狼戾貪淫假進貢肆虐不報

辛亥翰林侍讀崔銑予告

災傷免保晏州宣府隆慶等衛田租有差

五月亥朔四川叙州轉人子普法惡等作亂平之烏荒部二府

葛魁等寨地接筠連珙等縣周遭千里山箐深阻普法惡身

七尺通漢語諳符籙深自負私夷婦米浪謂王母孫彌勒佛

出世自稱蠻王擁衆劫掠巡撫馬昊檄諭不聽兵至青山下

來拒中矢死斬千百五餘人

福州地連震

丙子禮部尚書兼翰林學士毛紀兼東閣大學士直閣

戊寅學府典賢副閩順典膳正陳宣及內使劉良潛入京告

宸濠陰謀云信典賢正徐欽與致仕左都御史李士實都指

揮葛江吏羅黃盧榮能濟等鑿池造舡疑有非常下錦衣衛
獄杖五十成孝陵餘不問

庚辰太原靈石武縣大雨雹

癸未上微行至石經山湯峪玉泉亭數日乃還石經山寺

朱寧建窮極壯麗邀上幸

乙酉鳳陽高墻庶人聰濯聰瀾逸出獲之

丁亥初雲南寧州盜起敗官軍殺百戶年禎令子襲加級

柳桂峒猺龔福全作亂討平之

己丑裁平樂柳州南寧慶遠思恩添設通判

武鄉縣雨雹捐稼

癸卯前應天府尹孫春卒尉氏人成化戊戌進士

六月己朔日食

欽天監正李源等以時刻悞推奪月俸

辛亥福州地震

乙卯刑部左侍郎張綸為右都御史

安遠侯柳文守古北口署都指揮趙承序守白羊口華勛守

黃華鎮時收宣府塞外

傳陞後府左都督許泰前府右都督張洪並賜國姓

丙辰都督僉事陸宣為都督同知尋以朱寧薦進右都督
初福建南靖盜起衆殆萬人有司不以聞至是勦平之

禮部尚書李遜學兼翰林學士專誥勅禮部左侍郎石瑄兼
翰林學士教習庶吉士

壬戌吏部左侍郎毛澄為禮部尚書右都御史王璟為左都
御史右副都御史金獻民為刑部左侍郎

署通政司事禮部尚書李浩致仕進太子少保

癸亥建州左衛指揮使張家奴等入貢以洗改原勅職名覲
厚賞事發仍不減

九龍見山陽縣皆黑一龍吸水聲聞數里攝舟入空而墮大
雨隨注

丙寅懷寧侯孫應爵卒

戊辰吏部右侍郎王鴻儒為左侍郎工部右侍郎廖紀改吏
部右侍郎少詹事顧清為禮部右侍郎右僉都御史顏頤壽
為右副都御史

雲南新興州地震大雨雹傷稼通海河西嶧峨等縣地震壞

城舍

己巳禮部尚書李遜學署詹事府兼教習庶吉士

壬申兵部尚書王瓊辭詹即注子朝翰錦衣左所正千戶
夜有大隕南昌燭丈餘饒州亦然又星流建昌縣燭燭天天
鼓隨鳴

癸酉增城縣有大星化白氣而散

七月亥朔始命會昌侯孫銘攝太廟享

太常寺卿楊廷儀為工部右侍郎理易州山廠

山東按察僉事許逵為江西副使

丙子工部左侍郎俞琳為禮部左侍郎署通政司事

巳外工部右侍郎劉永為左侍郎右侍郎趙璜注補

吏部尚書陸完等以工倣裝將巡邊疏止不報

癸巳右僉都御史張檜提督雁門等關兼巡撫山西

上戒裝巡按直隸監察御史通州張欽閉關上言 陛下欲

過居庸關游宣大豈直為游玩以適一己之樂想情一患而

巡行耳但可命將不可親角宗廟安危係於一身今勢倉皇

中外洵、輕出遠游萬一有不虞其如 陛下何況甘肅有

土魯番之患江右有山賊之擾淮南有漕運之難巴蜀有採

辦之苦京城之內夏麥少收秋潦為沴 陛下不是之憂而

欲長驅居庸觀兵上谷臣竊為 陛下危之不報

丙申命戶部主事龍誥督徵山西逋課四十五萬金有奇
數千騎由北山西河入夜守備洗馬林都指揮張杲以五
百騎禦之一矢斃其鐵騎略陣者部卒兢前見其銳遂引去
夜月犯畢宿

丁酉巡撫順天右副都御史臧鳳阻駕不報

戊戌翰林脩撰唐臯歸省

己亥戶部右侍郎鄭宗仁兼左僉都御史總督宣大軍餉時
措置宣大糧芻足支主客兵四五年

辛丑署鴻臚寺事禮部右侍郎吳泰卒單縣人儒士素附中

張欽再上言 陛下欲往天壽山圍獵往居庸關竊思自古

天子未有不以安民為重今靈雨連旬田禾湮沒顧以不急

之務使之動搖此於安民之道有不可往也居庸關艱折萬

狀車馬難行以萬乘之尊遠險涉惡 陛下固不自愛 兩

宮獨不推慮乎此於孝 親之道有不可往也北 習於弓

矢漢祖且有白登之圍我 英宗且有土木之變 陛下輕

身挺出恐非萬全此於禦 之道有不可往也 陛下不念

祖宗社稷之重而輕與北 爭一日之長勝之不武不勝

則憂此於繼統之道有不可往也夫事慎於初則易悔於終

則難臣職在言路若不早言之恐異日或有意外之虞不避
忌諱伏望垂察

八 明辰朔 上微服出德勝門幸昌平外廷不知也明日大學
士梁儲蔣冕毛紀追至沙河請回蹕 上不納而還

張欽又上言 聖駕到昌平即欲過關臣聞 天子舉動所

係非小欲征 必先廷議明詔中外群臣扈行今不聞朝音
又無百官之扈從錦衣衛之隨侍此必有人借 陛下之名

過關勾 圖危社稷臣萬死不敢奉命是日欽令分守指揮
孫壘閉關南門太監李嵩欲赴昌平欽曰今日之事有死而

已可擅離所守乎俄于戶關岳等至南門傳旨欽奉勅印守
門收局鑰誓曰此皇家後門有奪門者御史手殺之岳不得

入還報 上壯其節不問 欽通直州人後遷漢中知府歷工部

林之盛曰黃澤之謠不能止 駿之游而閉關三跡遂阻

六 飛出塞何哉張公一念血誠真足動天地而濟之以愷

切之詞眉山所謂形格勢禁理諭者無不備焉 武宗安

得不憬然悟也然當時群小滿前揶揄之者不少而相忘

於無讒又何也彼見其忠鯁遂心折矣若夫精誠未至徒

闕捷於口舌之間無惑乎官府相隔而十不一報聞也

丙午禮部尚書毛澄等求回蹕不報

貴州巡撫右副都御史鄒文盛討清平衛平觀等寨苗據
香爐山逐劫遂集兵以叅攻胡濂叅議蔡潮都指揮潘勛指
揮余大倫統之搗砲木寨擒盜魁阿草已漸進分道夾攻香
爐山一月終克之

巡撫湖廣右副都御史秦金等乞免取鱖鯉魚不聽

戊申大學士梁儲等及署詹事府事禮部尚書李遜學侍讀
徐縉脩撰楊慎等各請回蹕不報

萊州地震

錦衣衛指揮使齊佐為都指揮僉事佐錢寧壻冒陞

己未水旱賑河間保定真定大名廣平順德

庚申大庾工猶盜合攻南康左僉都御史王守仁擊賊巢破
之

立泗州烈女何氏祠氏年十六以貧鬻倡家自刎死

大學士梁儲等再請豫擇近屬教養待他日元子生出就藩

服不報

癸亥罷古北口白羊口黃花鎮防兵時退

廣東左布政使吳廷舉為右副都御史賑濟湖廣

夜應天大風雷

甲子成國公朱輔掌中府守備南京

賑應天米二萬石

乙丑德王見漉薨母宸妃萬氏年七十謚曰莊

丙寅夜上復出德勝門趨居庸宿一夕問張御史安在時

張欽巡白羊口也追工不及

鄭府真丘王見消薨謚榮隱

丁卯南昌縣火

戊辰鎮守兩廣武定侯郭勛還總三千營

都督同知張簡為右都督太監張銳從子冒功

建州三衛夷始納款仍諭鎮巡官毋弛備

己巳國子祭酒魯鐸予告

辛未工度后庸闕遂幸宣府令太監谷大用守關毋縱出

者

王世貞曰高皇慎舉動惜繁費自即位後以天下大計

嘗一幸汴梁再幸中都自是深居法宮無都外之蹕文

皇定鼎幽都北巡者三世宗相定顯陵南邁者一然不

聞旁覽形勢行游校獵獨武廟輕離六師馳騁八駿不

無邪招之歎焉

楊秉義華淳李長席袁張天性吳廉李緯李學及宦傳良弼
俱為給事中

癸酉梁儲等求回蹕不報

九朔戎朔 上次宣府江彬故鎮將導 上遠巡為桑梓重

工嘗單騎出鹵簿侍從不及衛立鎮國府第夜望高門輒馳
入索婦女於是大姓賂左右以免亡何樵蘓不繼至敗廬舍

白晝閉市

閣臣及給事中石天柱等跡諫不報

丙子夜大星自北河派至近濁

己卯濟南青登萊地震

庚辰益都大雨雹

蒙化府地震

辛巳撫寧侯朱麒為征蠻將軍總兵鎮守兩廣

壬午閣臣跡請駕不報

建安縣火

癸未巡撫陝西右副都御史蕭紳巡按監察御史帥存智各
請停織彩粧絨裘服不聽

乙酉前南京禮部尚書王宗彞卒宗彞東鹿人父大學士文
嘗鄉試不第景帝特賜貢士天順初坐戍事白復鄉舉成
化丙戌進士授戶部主事歷撫遼東招諭建夷已坐累降四
川叅議番夷毀松茂餉路修復之累遷兵部左右侍郎至尚
書忤瑾去端謹重厚居官輒盡力不事表襮贈太子少保謚
安簡

辛卯翰林侍講學士陳霖為國子祭酒

故左副都御史陳天祥贈南京兵部右侍郎

南京戶科給事中史魯削籍魯襄垣王儀賓史保從子例不

內授魯前鎮江推官善楊一清得之武學生朱大用訐其事
一清不問

修南京太廟後殿孝陵明樓及內外城垣俱雨損

陝西府谷縣知縣張宜改錦衣衛百戶宜貢士自陳叔祖太

監敏保護勞願嗣百戶特允之

許洪嗣錦衣指揮使故左都督朱國子

四川長寧叛民陳保谷伏誅陳聰鬻於芒部入烏撒詭言天

仙賜之神槍更名保谷糾衆作亂官軍擊擒之

河決沒城武縣

壬辰 工次陽和

癸巳閣臣疏請駕有曰近日調發軍馬錢糧概以總督軍務
威武大將軍總兵官印帖行之祖宗舊制軍馬錢糧非奉
勅不行今一旦帖行之他日奸人詐冒軍衛有司不辨真偽
安能無他患總督軍務威武大將軍總兵官 上自命也

夜月犯井宿

甲午南京兵部尚書喬宇等御史陶麟等各言擇儲宗藩不
報
夜大星自天庾派至近濁

丁酉萬壽節百官遙賀

巡撫蘓松左僉都御史張津上言 陛下輕社稷至此萬一

風露之感銜縻之憂噬臍何及昔我 太宗北征有 仁宗

監國 宣宗時巡有 英宗今 陛下之出代理萬幾視膳

兩宮者付之誰耶不報

戊戌永安縣火

五萬餘騎屯玉林將入寇 上在陽和閣之命大同總兵
王勛副總兵張靚游擊陳鈺孫鎮軍大同遼東叅將蕭澤軍
聚落堡宣府游擊時春軍大城副總兵陶杰叅將楊玉廷綏

叅將杭雄軍陽和副總兵朱鑾軍平、游擊周政軍威遠
庶子徵戶部銀百萬輸宣府備勞軍士閣臣及戶科給事中
俞泰等疏止不報
上獵陽和大雨雹

昏刻流星色黃赤自東北行至近濁五小星隨之

壬寅傳諭巡邊禦丁凡百官朝見諸司章奏俱如常儀

錄平孝豐功叛孝豐湯九許密以強宗居山中自雄每有司
追捕輒旅拒者三十年非叛也鎮守浙江太監王堂侈其功
工變命巡撫蘓松右副都御史張津託他事赴浙密勦

之俱受縛斬十九人籍九家戍遣百餘人多無辜株累進

張津戶部右侍郎仍巡撫浙江詹王堂世錦衣百戶

分道南下屯於孫天堡尋犯陽和掠應州王勛張輓陳鈺
孫鎮率所部禦之命時春蕭澤赴援周政朱鑾及大同右衛
叅將麻循平、城叅將高時踵、後又舉徵宣府總兵官朱
振叅將左欽都勳龐隆游擊靳英俱會陽和叅將江桓張景
為後勅

十月癸卯朔 上次順聖川

甲辰王勛值、繡女村方步戰、南循應州而去

浙西雷震大雪至十二月乃止

乙巳閣臣以請請駕勿輕角不報

張覲陳鈺孫鎮與王勛於應州城北五里值戰數十合頗有殺傷薄暮寇傍東山而退仍分兵圍勛等比曉大霧圍乃解勛等入應州朱鑿及守備左衛城都指揮徐輔兵至丁未王勛等出戰澗子村蕭澤時春周政等兵至別騎迎敵我軍不得合上率太監張永魏彬張忠都督朱彬朱振朱杰朱玉朱欽朱勳朱英朱隆朱雄參將鄭驃等兵自陽和來援衆殊死戰稍卻諸軍乃合會莫即營其地上止馬

明日來攻禦之自辰至酉戰百餘合乃退明日引而西

上追至平朔州會大風晝晦乃還是役也斬十六級我喪五十二人重傷五百六十三人乘輿幾陷

辛亥犯暖泉溝泥河見上次老王溝退還大同左衛

復入玉林城西及峇兒庄三家川青山命大同總兵王勛游擊陳鈺宣府副總兵陶杰參將楊玉游擊時春延綏副總兵朱鑿參將杭雄軍陽和參將左欽萬全右衛參將都勳軍懷安宣府總兵朱振還鎮獨石參將江桓軍龍門永寧參將張景軍保安新城宣府游擊靳英軍蔚州遼東參將蕭澤參

游龐隆軍順聖川西城延綏游擊周政軍甕城驛大同副總
兵張輓軍廣靈縣游擊孫鎮軍渾源城老營堡游擊張琦軍
應州大同右衛叅將麻循軍威遠復令大同巡撫胡瓚鎮守
太監馬錫嚴為備

丙辰温州楚雄俱地震

己未沁州地震

辛酉刑部仍錄囚承天門

前總督南京糧儲右副都御史白圻卒

武進人成化甲辰進士

甲子木星晝見已已滅

乙丑雅州地震

丙寅閣臣跡請駕

泉州大疫

叙州府雷大震

寧夏地震

丁卯前右都御史王鼎卒福州人成化辛丑進士

己巳左春坊左諭德兼翰林侍講溫仁和脩撰楊慎予告侍

讀徐縉編修張璧歸省

庚午給事中黃鍾王曠朱鳴陽監察御史李潤王九峰各跡

請駕不報

壬申南京大雷雨

武進伯朱本卒

十月癸酉朔工在大同欽天監進曆如故

杭州雷

丁丑中旨南京內官監太監劉璟守備南京

錄四川按察副使馮傑殉盜功廕子女霖涿鹿中衛百戶

太監張雄還自行在傳諸司章奏即賚往

丙戌翰林編脩余本為廣東提學副使

黔國公沐崑生父都指揮使誠贈都督同知

中旨御馬監太監昇真鎮守江西遼東太監郭原改薊州永

平山海等關鎮守山海關太監王忻改遼東

丁酉固原地震聲如雷

戊戌大理府地震

己亥尋甸軍民府嵩明州及楊林堡守禦千戶所各地震

辛丑至日 上在宣府百官遥賀大學士楊廷和等尚書陸

完等後期見糾至明年正月壬寅得旨不問

給事中汪玄錫等御史孫孟和等以近聞秘旨選京軍親征

於四海治力言其不可不報

盜焚大學士費宏家殺其群從兄弟蓋寧王宸濠憾宏指盜故也

提督南贛汀漳左僉都御史王守仁平左溪盜

十
仁
壬寅朔上留宣府閣臣請駕視郊牲不報

甲辰禮部尚書毛澄等給事中朱鳴陽御史王光等俱跡請駕不報

戊申巡撫貴州右副都御史鄒文盛攻黑苗於都黎平之俘渠帥二千餘人從賊八十餘人斬一千五百一十九級

郭子章曰予過香爐山若偃爐屹立群山中分為三級下則四面陡絕環抱一岩如爐之腹而偃其中則巒岨聳絡澤然巨塊如爐之腰上為一坪設一門內可容數萬衆有田有井後門石兀立如爐之柄造諸苗雄據其間自謂堅不可拔已而官兵從後曳繩梯以破其堅數十年逋寇一旦撲滅香爐之險不足恃矣是役也鄒公王之蔡少叅溯德之而蔡功竟不錄惜哉

壬子水災免廬鳳淮揚田租有差

前太子太保禮部尚書張昇卒昇字啟昭南城人成化己丑

進士第一授脩撰直東宮改左贊善左諭德 孝宗初進庶
子兼侍讀劾劉吉降南京工部員外郎尋復官至尚書時羽
涿雀志端亦尚書倨傲昇嘗裁之選宮女禁倡優隸卒之家
遂騰謗去位加太子太保逆瑾時以事奪加銜昇愿慙有餘
守官謹飭兩主卿闈得侍郎儲瓘編脩陳瀾皆名士時稱得
人後贈太子太傅謚文僖
戊午惜薪司歲增柴九百五萬五千八百斤舊千八百十二
萬斤
復開納銀事例初戶部輸三十五萬金於行在 上責額百

萬遂議鬻等項

戶部右侍郎楊旦為都御史總督兩廣軍務兼巡撫應天府

尹襲弘為右副都御史總理河道

翰林院庶吉士戴願為吏科給事中

南京國子祭酒賈詠請博士助教學正學錄同行人等考選
許之

己未安遠侯柳文總兵鎮守湖廣

癸亥傳諭閏十二月遣官視郊牲閣部科道俱疏請駕不報
閣臣九卿至后庸閣請駕禁不得出乃還

閏二月壬申朔 上留宣府大學士楊廷和等以次出視郊牲

如常儀

戒都門毋出朝臣

曹州天鼓鳴

丁丑戌刻瑞州東方有紅氣昇上變而白形如曲尺又內外

黑氣如闕移時乃沒

庚辰安邑縣地震

瑞州大雷電

丙戌前禮部尚書李傑卒傑字世賢常熟人成化丙戌進士

館選授編修進侍講侍讀學士以春宮左庶子從南祭

酒憂去後改太常少卿兼侍讀學士遷

左侍郎進南夫部尚書改禮部持已矜左侍郎本部

忤瑾而去逆瑾誅名為且用之實不召也贈太子太保謚文

安

廣西太平府地震

丁亥立春 上迎春宣府備諸戲劇又飾大車數十輛共載

僧婦數百婦女各執員毬車玩馳交擊僧頭或相觸而墜

上大樂之

前南京兵部右侍郎呂獻可

新昌人成化重九精舉業

進士副雅厚

戊子瀋府沁水王勛瀛薨謚榮穆

癸巳前巡撫順天右副都御史柳應年

陵人成化己丑進士有治才而保

戊戌雷火焚荊州公安門城樓

庚子前南京光祿寺卿張賓卒

成化乙未進士令

睢縣金壇有善政拜御史右

乃推大理卿劉瑾

以不通魏罷之性直諒當官盡職且不

以名節

予祭葬

新
加

新
加

の
キ
ミ
起